

浙江文叢

國權

〔第二冊〕

浙江出版聯合集團
浙江古籍出版社

浙江文叢

國權

〔第二冊〕
卷一至卷三

〔明〕談遷 著

出版聯合集團
古籍出版社

國權

藍安縣志卷之八

大明太祖聖神文武欽明啓運駿德成功統天大孝高皇

帝御諱元璋

字國瑞濠州鐘離東鄉人朱姓出顓頊氏

周封曹挾於郢楚滅之子孫去邑為朱世居沛國相縣

其後散居江南家句容之通德鄉稱著姓云朱家巷譜

系無攷而世艱難農業有八府居娶陳氏生子三長伯

六娶胡氏後追尊德祖元皇帝次子四九娶侯氏後追

尊懿祖恒皇帝長子

初

娶王氏生宗末元初籍洹金

戶金非地產常他市供賦困焉遂棄田廬攜二子徙洹

州

五世世珍

長年十二次八歲仍力田營家洹上足給有二

羽人指某地法當大貴折枯枝植而驗之尋藥試拔之

羽人再過謂如冢嫡何竟卒塋後追尊熙祖裕皇帝已

家漸落五一兄弟徙野貽五河無定居五一兄弟皆敦

謹務德嘗言凡人守分得財如置田產稼穡耕獲歲有

常利用之無窮若悖理得財如污吏貪官獲利雖博有

喪身亡命之憂故一鄉皆稱次公長者

世珍

娶陳氏徙

野貽生

興隆

徙五河生

興盛興祖

徙鍾離東鄉蓋濠古金山

氏國大禹會諸侯履周世宗鑿其地至是王氣始復太
祖生又從西鄉晚從太平鄉之孤庄村有一翁指次公
曰美哉八十公終歸仁德焉後追尊仁祖淳皇帝興歲
合

談遷曰周秦以降帝王之興雖崛起闡闡或世沾一
命劉氏至寒素矣泗上亭長亦食秦人之斗粟惟我
朱氏其興也勃焉起家耕桑有公劉后稷之風又劉
裕祖漢蕭道成祖鄴侯出自史臣未足深信今玉牒
始重八府君不妄有所祖先是下集慶句容之族父
昆弟四十餘人皆來會或不法踈外之聞之釋史曰

上欲祖朱熹、適徽人典史某問之熹後半對曰否、曰
意寢此蓋瞽說、非知太祖者也、

戊辰、元文宗天曆元年、九月丁丑、帝生陳姬夢羽人授藥

凡一、熠然有光、吞之覺而口香、明日、蓐於土地祠、白氣
貫空、異香經宿、祠神驚避數里、至今地丈餘、楮而不草、
浴汲河水、紅羅浮而衣之、水今色一紅一白、里人夜望
光、謂次公者何火也、趨救則無有、數日不乳、公出求鑒、
有僧坐門、告之、愈期良久不見、公異之、欲捨於釋氏、

己巳、天曆二年

庚午、元文宗至順元年

辛未

至順二年

壬申

至順三年宿州人馬公無子婦生女即高皇后

癸酉順帝元統元年

甲戌

元統二年

乙亥

至元元年

丙子

至元二年

丁丑

至元三年上十歲

戊寅

至元四年

己卯

至元五年

庚辰

至元六年

辛巳

至正元年

壬午

至正二年

癸未

至正三年

甲申

至正四年上年十七時大饑疫四月庚申朔乙

丑翁卒戊辰伯兄

興隆

卒辛巳陳姬又卒同仲先輩勉

襄事所佃劉氏田數責進譙阿不絕劉氏先繼祖以總

管致仕好施予朱翁遷太平之孤庄村與繼祖及趙父

達隣至是繼祖閔之妻婁氏勸予葬地二三兄弟扶柩

往會天雨休壟下旦往塚累累自地出洵神助也仲氏

叔氏各圖自活上孤無依隣母汪氏曰獨不記先人許

從釋氏乎九月乙巳入皇覺寺一名於皇寺事僧高彬
養鵝溺園之他時游戲鵝終日不敢出園別鵝色為
隊鵝皆分隊立居兩月荒歲僧散上大困游食望突而
飽望門而宿後上貴賜劉繼祖弟田三十頃後十年曰
此怕情耳不必問吾貧時爾豈知今日為天子耶繼祖
字大秀元總管致仕好施予同里趙文達等俱與朱氏
善朱氏舊址惟石農器存

談遷曰古帝王之興也俱稍有所藉漢祖起豐沛聖
祖起淮泗亦云痒矣而聖祖為甚重農力穡公劉后
稷之締始也先德如此安在無土不王哉

乙酉 至正五年 上西游合肥道病有二紫衣同寢食病已

辭去遽失之夜陷麻湖中值群童云迎駕叱之不見至
六安代老儒負篋及硃砂鎮生槐樹下異其相為推上
星命當奇貴第慎之利西北毋東南也歷語後事徵其
里氏不答

丙戌 至正六年 上還里省墓

丁亥 至正七年 上歷光固汝潁間凡三年仍棲皇覺寺

戊子 至正八年 十一月黃巖方谷珍作亂谷珍脩七尺走
及奔馬父伯奇柔謹生谷珍谷瑛並豪勇里佃事田主
甚卑毋敢揖心媿之伯奇沒竟醉田主醢之致訟格殺

巡檢叛入海旬日得數千人守臣朶兒只班討之引而東追至福州五虎門勢蹙將焚舟遁而元兵忽自驚擾因執朶兒只班迫其招撫元主從之授定海尉雖受命終不自安谷珍避廟諱更名梟見宋濂神道碑

己丑

至正九年

庚寅

至正十年

十二月壬午朔己酉方谷珍寇温州

辛卯

至正十一年

三月元浙東副元帥董搏霄以舟師討方谷珍戰敗四月壬午元命工部尚書賈魯開黃河故道役十七萬人

自黃陵岡至白茅二百八十里初童謡曰石人一隻眼

挑動黃河天下反果得石人於黃陵岡蓋韓山童陰為之也

元史曰議往者注謂天下之亂皆由賈魯治河之後勞民動衆之所致不知元之所以亡者實基於上下因循、徂於宴安之習、綱紀廢弛、風俗偷薄、其致亂之階非一朝一夕之故、所由來久矣、不此之察、乃獨歸咎於是役、是徒以成敗論事、非通論也、設魯賈魯不興是役、天下之亂詎無從而起乎

五月己酉朔辛徐頴斬黃兵起徐人韓山童其祖父為白蓮教惑衆衆多從之元末山童倡言天下亂彌勒下生

明王出、江淮之人騷然皆動、河工掘石、人益驚詫、於是
潁人劉福通、及黨杜遵道、盛文郁、羅文素等告衆曰、山
童宋徽宗八世孫也、當帝天下、我劉光世後、合輔之、聚
三千人於白鹿店、殺黑牛白馬告天地、約起兵、用紅巾
為志、元得山童、殺之、子桡兒走武安山中、福通據朱皋
攻破羅山、真陽、確山、犯舞陽、葉諸縣、袁州先化奇、有僧
瑩王以弥勒佛教、鼓動湖湘、麻城人鄒普勝大唱其術、
羅田布賈徐壽輝浴藍塘、有毫光普勝驚怪之、共推為
主、號紅巾、陷蘄黃壽輝開蘄水為蓮臺省、建國天完、改
治平元年、拜普勝丞相、黃陂人倪文俊為大將軍、文俊

故漁家子善行多槩舡攻陷漢陽興國、

六月方谷珍攻黃巖江浙左丞李羅帖木兒擊之谷珍夜率勁卒火之執李羅帖木兒於大閭洋迫求招撫元授千戶及其兄弟官爵有差、

八月

丙戌

蕭縣

李二

彭早住

趙均用

陷徐州俱燒香惑眾嗜

食人

壬辰

至正十二年

正月

丙辰

徐壽輝兵連陷武昌安陸沔陽、

二月乙亥朔定遠郭子興見群寇四起與其客孫德崖率豪傑子弟攻拔濠州據之自稱元帥子興故曹州人父

某善星歷謂帝星燭臨濠遂入濠定遠富翁有贅女莫聘郭公貴其女娶之術益售漸饒於貲生三子次子興卜其貴長不事產業散財結豪傑子弟宿州馬公避仇入定遠年饑鬻女子興見馬公俠氣大喜撫女如已出辛丑兵焚皇覺寺上出避日暮無依歸祝筊於伽藍神出處孰吉三投之俱陰上曰出處俱不利無乃欲我從雄而後昌乎請復陰果陰上曰舉大事恐凶請陽筊仍陰再決之筊躍然立上始有從我之志

三月乙巳朔元人討徐州盜募舟師北守大江方谷珍疑其圖已渡入海突犯馬鞍諸山寨元將秦不華敗死

元將徹里不花率三千人討濠州、不即進、妄殺掠報級、
村里為墟、人無固志、有故人遺上書、盡從我、自全、上覽
訖、焚之、或為上危、不之動、

閏三月甲戌朔、上入濠城門者、以謀疑之、將加害、適郭子
興巡行、異其貌、解縛與語、留帳下、元數來討、子興驍勇
善戰、每出、上從旁翼衛、跳盪無前、斬首捕生、適常尋長
百夫、漸引與謀事、孫德崖等田野人、不足與謀、子興心
易之、於是德崖謀傾子興、子興少與德崖會、或會輒不
合、子興輒起去、去則德崖專決之、

四月癸卯朔、日食、

五月癸酉朔方谷珍攻台州不克

八月元丞相脱脱總大兵南征諸盜

九月辛卯元兵誅李二復徐州彭早住趙均用走濠州孫德崖納之以二人故盜魁反推之出其下

十一月彭早住稱魯淮王趙均用稱永義王早住頗有智數郭子興獨礼之均用下慚孫德崖謂均用曰郭公目有彭將軍耳相與執子興械之家將殺之上在淮北聞曰郭公吾父也亟馳歸則語子興子曰我公素厚彭薄趙禍必趙發即與子興子奔告早住早住怒圍德崖家上從之發屋入子興鉗繫幽窖破械出之子興遂得免